




جَابَاتِن مُفْتِي نِجَرِي پَهَانِغ

JABATAN MUFTI NEGERI PAHANG  
Kompleks Islam Sultan Haji Ahmad Shah  
Jalan Istana Permai,  
26600 Pekan, Pahang Darul Makmur.



PENGKERTIFIKAN MS ISO 9001:2015  
NO. SIJIL : QMS 03392

Tel : 09-4211100

Fax : 09-4224887 / 4211179

Portal : mufti.pahang.gov.my / Email : smufti@pahang.gov.my

برایمان دان براسقامة

#MajuTerusPahang #Pahang1\*

Ruj. Kami : JMNP : C FL 351/700/12 ( )

Tarikh : 28 Oktober 2022

2 Rabiulakhir 1444H

السَّلَامُ عَلَيْكُمْ وَرَحْمَةُ اللَّهِ وَبَرَكَاتُهُ

Al-Fadhil,  
Tuan Qadhi Daerah,

Tuan,

### HEBAHAN FENOMENA GERHANA BULAN PENUH

Dengan hormatnya merujuk kepada perkara di atas.

2. Sukacita dimaklumkan bahawa Fenomena Gerhana Bulan Penuh akan berlaku pada **8 November 2022/13 Rabiulakhir 1444H (Selasa) pada jam 5.09 petang dan berakhir pada 8.49 malam**. Sehubungan dengan itu, Jabatan ini memohon kerjasama baik dari pihak tuan supaya dapat menghebahkan maklumat fenomena ini kepada masjid dan surau di daerah tuan agar mengadakan solat sunat gerhana bulan. Bersama ini disertakan panduan solat sunat dan khutbah gerhana bulan untuk tindakan tuan selanjutnya.

3. Kerjasama dan keprihatinan tuan dalam perkara ini amatlah dihargai dan didahului dengan ucapan ribuan terima kasih. Sekian, dimaklumkan.

وَالسَّلَامُ عَلَيْكُمْ وَرَحْمَةُ اللَّهِ وَبَرَكَاتُهُ

"BERKHIDMAT UNTUK AGAMA DAN NEGARA"

Saya yang menjalankan amanah,

**DATO' SRI DR. HAJI ABDUL RAHMAN BIN HAJI OSMAN**  
**SSAP., DSAP., DIMP., SMP., AMP., PKC**  
Mufti Negeri Pahang

Sk : Pengarah  
Jabatan Agama Islam Pahang  
26600, Pekan



جباتن مفتي نكري قهع

---

**KAIFIAT SOLAT SUNAT  
&  
TEKS KHUTBAH GERHANA BULAN PENUH**

Waktu Gerhana Bulan Penuh

13 Rabiulakhir 1444H/ 8 November 2022 (Selasa)

Bermula : 05.09 petang

Tamat : 8.49 Malam

**DISEDIAKAN OLEH :  
BAHAGIAN FALAK  
JABATAN MUFTI NEGERI PAHANG**

## “ KAIFIAT SOLAT SUNAT GERHANA ”

### Lafaz Niat Solat Sunat Gerhana Bulan

أصلى سنة خسوف القمر ركعتين مأموماً لله تعالى

Ertinya : “ Sahaja aku solat sunat gerhana Bulan dua rakaat sebagai ma’mum kerana Allah Taala”.

### Lafaz Niat Solat Sunat Gerhana Matahari

أصلى سنة كسوف الشمس ركعتين مأموماً لله تعالى

Ertinya : “Sahaja aku solat sunat gerhana Matahari dua rakaat sebagai ma’mum kerana Allah Taala”.

### Kaifiat :

Solat Sunat Gerhana boleh dilakukan samaada secara berseorangan atau berjemaah dan sebaiknya dilakukan secara berjemaah. Kaifiat yang lebih sempurna adalah seperti berikut :

### Rakaat Pertama:

- (1) Takbiratul Ihram.
- (2) Membaca doa iftitah.
- (3) Membaca Isti’azah.
- (4) Membaca surah al-Fatihah.
- (5) Membaca surah al-Baqarah atau sekadar yang termampu atau mana-mana surah yang sederhana panjang.
- (6) Ruku’(pertama).
- (7) Iktidal dan qiyam kedua, membaca surah al-Fatihah dan surah pilihan.
- (8) Ruku' (kedua).

- (9) Iktidal.
- (10) Sujud (pertama).
- (11) Duduk antara 2 sujud.
- (12) Sujud (kedua).
- (13) Berdiri ke rakaat kedua.

### **Rakaat Kedua**

- (1) Qiyam ketiga dan membaca surah al-Fatihah.
- (2) Membaca Surah An-Nisa' atau sekadar yang termampu atau mana-mana surah yang sederhana panjang
- (3) Ruku' (ketiga).
- (4) Iktidal dan qiyam keempat, membaca surah al-Fatihah dan membaca surah. Dicadangkan membaca surah pilihan.
- (5) Ruku'(keempat).
- (6) Iktidal.
- (7) Sujud (ketiga).
- (8) Duduk antara 2 sujud.
- (9) Sujud (keempat).
- (10) Membaca tasyahhud akhir.
- (11) Memberi salam dan imam bangun menyampaikan dua khutbah.

Sekiranya tidak mampu membaca surah-surah yang panjang adalah dicadangkan surah-surah berikut :

**Rakaat Pertama** : Surah al-A'la & Surah al-Ghashiyah

**Rakaat Kedua** : Surah al-Dhuha & Surah al-Insyirah

Selepas solat, sunat dibacakan khutbah. Khutbah gerhana ini dilakukan dua kali dengan mengikut rukun-rukunnya seperti yang terdapat dalam khutbah Jumaat. Khutbah gerhana tidak dikehendaki bertakbir seperti khutbah hari raya, walau bagaimana pun dua khutbah bukanlah menjadi syarat bagi sah Solat Gerhana .